

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Hæmorrhioiss[a]e exemplo Reliquias sacras, tamquam diuinitus salutares, esse venerandas.

urn:nbn:de:hbz:466:1-45653

boli opem anhelant, sicut in proverbio dicitur: *Bos alienus subinde foras profectat.*

Non sic fecit mulier, que sanguinis fluxum patiebatur, duodecim annis; quæ, vt Marcus, signatissimè addit, fuerat multa perpetua à compluribus Medicis: & erogauerat omnia sua, nec quidquam profecerat, sed magis deterius habebat. Atque, vt Lucas ait, que in medicos erogauerat omnem substantiam sua, nec ab ullo potuit curari. Quid ergo à medicis desperata fecit? Credidit, Christum etiam in occipito oculos habere: quare, non in faciem progressa, vt videtur, sed accessit retro, & tetigit fimbriam vestimenti eius. Dicebat enim intra se: *Si tetigero tantum vestimentum eius, salua ero.* Observat S. Augustinus, non omnes, qui sequuntur Christum, & eum tangunt, verè tangere, sed potius comprimere: illos verè tangere, quæ fide ad Christum accedunt. *Fide tangitur Christus*, ait S. Ambrosius. Hoc ergo fecit mulier, quam idem D. Ambrosius alibi Martham Lazari sororem fuisse opinatur; at Eusebius, & Sozomenus, probabilius scribunt, ciuem fuisse Cæsareæ Philippi, quæ postea Saluatori suo statuam, ante ædes, posuerit æternum accepti beneficij monumentum. Quid ergo huic mulieri, quæ à nullo medico potuit curari, fecit Christus? *Conuersus, & iam etiam corporeis oculis videns eam, dixit: Confide filia, fides tua te saluam fecit. Et salua facta est mulier ex illa hora.* Sic curat Christus, quos nemo potest curare, immò, qui multa perpetiuntur à compluribus medicis: & erogauerunt omnia sua, nec quidquam profecerunt, sed magis deterius habebant.

Et fieret hoc frequentius, si mulierem hanc plures imitarentur, ac, saltem, postquam satis experti sunt, in filijs hominum non esse salutem, ad Deum configurerent; aut, si, more huius mulieris, siue humilitate, siue pudore, non audent ipsum Christum compellare, vel retro accederent, & fimbriam vestimenti eius tangenterent; hoc est, illius, vel Sanctorum reliquias venerarentur, de quibus, non minus, quam olim, saepe etiam hodie virtus sanitatis exit, vt, ybi medicæ manus deficiunt, in cœlo adhuc auxilium esse sciatur. Qua de causa Catholici semper reliquias magni fecere, quas hæretici, qui nec sanctos, nec sancta amant, peius cane & angue oderunt. Caluinus certè mulierem hanc, *indiscreto zelo*, ait, Christi fimbriam tetigisse, & aliquid in ea fuisse *superstitionis*. Addit, quamvis tactu fimbriæ sit sanata, factum tamen fuisse singu-

Plutarh. in
Symp. de
cad. 8.

V I.
Matth. 9. 20.
Marc. 5. 26.
Luc. 8. 43.

S. Ambros.
lib. 6. in Luc.
S. Ambros.
lib. de Sa-
lomone, c. 7.

VII.

N lare,

Iare, quod non debeat valere ad exempli imitationem; vt idcirco & nos ex reliquijs petamus sanitatem. Ita indiscretus Caluino ze-
lus est, quod omnes Euangelistæ commendauerunt, dum summa-
diligentia addiderunt hanc eius laudabilem cogitationem: *Si te-
tigerò tantum fimbriam vestimenti eius, salua ero: immo quod ipse
Christus, non solum miraculo, sed etiam verbis approbavit di-
cens: fides tua te saluam fecit, id Caluinus audet superstitionem ap-
pellare. Sic nempe cum Euangelistis concordat, sic consentit
cum Christo; vt quod Euangelistæ album vocant illi sit nigrum;
& quod Christus tanquam egregiam & saluificam fidem laudat,
ille, velut superstitionis traducat. Quid aget? num etiam illos
incilabit, tanquam superstitiones, de quibus scribitur: Magis
autem augebatur credentium in Domino multitudo virorum ac mulie-
rum. Ex quo signo hoc augmentum credentium intelligebatur?*

Act. 5.14.

Act. 19.11.

Act. 5.16.

*an ex opere superstitionis? siquidem subiungitur: ita ut in plateas ej-
cerent infirmos, & ponerent in lectulis ac grabatis, vt, veniente Petro,
saltē umbra illius obumbraret quemquam illorum, & liberarentur ab
infirmitatibus suis. Concurrebat autē & multitudo vicinarum ciuitatum
Ierusalem, afferentes agros & vexatos à spiritibus immundis: qui cura-
bantur omnes. Pari pacto Ephesi virutes nō quaslibet faciebat Deus, per
manum Pauli: ita ut etiam super languidos deferrentur à corpore eius
sudaria & semicinctia, & recedebant ab eis languores, & spiritus ne-
quam egrediebantur. Interrogo hic Caluinum, an hi omnes indis-
creti zeli & superstitionis sint accusandi? interrogo, cur eos
Euangelistæ prædicauerint? cur à fide laudauerint? cur sanitas illis
miraculo sit conciliata? Indiscretio superstitionis, iniuria Christo
illata, miraculum non meretur. Cur ergo miraculosè sanati sunt,
qui non immediatè Christum ipsum, sed fimbriam Christi, sed
Petrum, immo Petri vmbram; sed Paulum, immo Pauli sudaria &
semicinctia, cum morbis suis, adierunt? Nimirum Catholici fue-
runt, non Caluinistæ. Quod si, sine Christi iniuria, utiliter & lau-
dabiliter concurrebat multitudo vicinarum ciuitatum Ierusalem, affe-
rentes agros & vexatos à spiritibus immundis, ad vmbram Petri, cur
non idem hodiéque liceat facere, ad Petri tumbam & ossa, ad li-
mina Apostolorum Romæ? aut etiam Ierosolymis, ubi non iam
Christi fimbria, sed vestigia sanguine illius signata & purpurata,
reperiuntur? Hoc Euangeliō conforme est, hoc exemplo mulie-
ris & reliquorum, quos laudant Euangelistæ. Quare Euangeliū
ipsum*

ipsum tollat necesse est, qui tollit cultum reliquiarum; ne in illud incurrat: *Stultus est, qui patre cæso liberis pepercit, cædem patriam vindicaturis.* Nemo igitur animū desponeat: sēpe, vbi nulla amplius vis in herbis, aut Podalirijs, vbi nulla amplius ars in Galenis, ibi inuenitur, in Sanctorū reliquijs. Sic vult Sanctos suos honora-re, vt, quemadmodum, *virtutes non quælibet faciebat Deus, per Act. 19.11.*
MANVM Pauli, ita etiam faciat per manum Petri, *Sancto-*
rūmque aliorum. Nam *tanta erat quoque Iacobi Apostoli vita* In Breuiario
santitas, ut simbriam vestimenti eius certatim homines cuperent attin- Rom. 1. Maij
gere; vtique non sine corporis, vel animi, vel vtriusque eximio lect. 6.
 emolumento.

Ac, ne fuisse ista tantū existimentur; neque nostris ad-huc seculis hic fons miraculorum siccatus est. Passim & agmina-tim exempla occurrunt. Vnum, pro mille, sed non absimile, da-bo. *Retulit nobis nuper Abbas quidam ordinis nostri, inquit Cæsa-*
rius, de quodam Monacho, cui tanta à Domino concessa est gratia, vt
virtute vestimentorum eius, multi sanarentur. Sæpe, si tamen adhuc
vivit, dum fratres uestes eius induunt, vel cingulo se cingunt, sanantur.
Quod cum quodam tempore eius Abbas considerasset, nec aliquid specia-
litatis in illo vidisset, his verbis eum secretius allocutus est: Dic mihi,
fili mi, quæ est causa tantorum miraculorum? Respondit ille: *Nescio,*
Domine; non plus fratribus meis oro; non plus vigilo; non plus ieiuno;
non plus labore: sed unum scio, quod me non potest extollere prosperi-
tas, neq; frangere aduersitas, siue de persona mea sit, siue aliorum. Cui
cum dixisset Abbas: Non te turbavit, quod miles nuper grangiam-
nostram incendit? Respondit: Non; totum enim Deo commisi. Si ma-
dicum habeo, cum gratiarum actione accipio; si multum, iterum gra-
tias ago. Et cognovit Abbas, quod causa tanta virtutis esset amor
Dei, & contentus rerum terrenarum. Esse igitur etiam nostro æuo
coelestes medicos, hac historia docemur. Ex qua etiam discimus,
apud quos potissimum, desperatis alijs remedij, quærenda sit haec
*medicina, nempe, apud eos, de quibus dicitur: *Nimis honorati sunt**
amici tui Deus: qui glorificantes se etiam miraculis glorificat, quod &
prædixit: Amen, amen dico vobis, qui credit in me, opera, quæ ego facio,
& ipse faciet, & maiora horum faciet. Quare non carpenda, sed lau-danda est eorum fiducia, qui, postquam, in quærendis humanis auxilijs, vbique oleum & operam perdiderunt, ad Montem san-ctum, Octingam veterem, Lauretum, Romam, atque ad alia Diuina

VII.

Cæsius
Heisterbac.
lib. 10. c. 6.
Miraculor.

Ps. 138.16.

Ioan. 14.11.